

ACTA DA SESIÓN EXTRAORDINARIA, CELEBRADA POLO PLENO CORPORATIVO MUNICIPAL O DÍA CATRO DE XULLO DE DOUS MIL DEZANOVE.

En Paradela, a catro de xullo de 2019

No Salón de Sesiões da Casa Consistorial, sendo as trece horas e dous minutos, réunese en primeira convocatoria a Corporación Municipal en Sesión extraordinaria, baixo a Presidencia do Alcalde, D. José Manuel Mato Díaz e coa asistencia dos Srs. Concelleiros.

- D. Roberto Díaz Luaces
- D. Iván Castro Díaz
- D^a. Sara Arias López
- D^a Ana Belén López Álvarez
- D. Adrián Fernández Juíz
- D. Jesús Pablo López González
- D. Benjamín López Mato

Non asiste D^a M^a Montserrat Mulet Sar, xustificando a súa ausencia por motivos de traballo ao non atoparse na Comunidade Autónoma

Asiste o Secretario-Interventor da Corporación, José López González, que da fe do acto.

A continuación procédese a coñecer dos asuntos incluídos na orde do día.

1º. APROBACIÓN DA ACTA DA SESIÓN CONSTITUTIVA CELEBRADA O 15 DE XUÑO DE 2019.

Polo Sr. Alcalde, que preside a sesión, procédese a preguntar aos demais membros da Corporación se teñen algo que obxectar á acta, da sesión constitutiva celebrada polo Pleno o día 15 de xuño de 2019, da que as minutas foron distribuídas coa convocatoria, todo ao abeiro do disposto no art. 91 do Regulamento de Organización, Funcionamento e Réxime Xurídico das Entidades Locais.

Sometése a aprobación da acta, da sesión constitutiva celebrada polo Pleno o día 15 de xuño de 2019.

O resultado foi de aprobación pola unanimidade dos oito Concelleiros que asisten á sesión (cinco do Grupo Municipal do Partido Popular e tres do Grupo Municipal Socialista) sendo nove o seu número legal de membros.

2º. DACIÓN DE CONTA DOS GRUPOS MUNICIPAIS CONSTITUÍDOS E DOS SEUS PORTAVOCES.

Dando cumprimento ao disposto no art. 25 do Real Decreto 2568/1986, de 28 de novembro, o Sr. Alcalde dá conta ao Pleno da constitución dos seguintes grupos políticos, dos seus integrantes e dos seus voceiros:

Grupo Político do PARTIDO POPULAR:

- D. Jose Manuel Mato Díaz

- D^a M^a Montserrat Mulet Sar (voceira).
- D^a Ana Belén López Álvarez
- D. Adrián Fernández Juíz (voceiro suplente)
- D. Jesús Pablo López González
- D. Benjamín López Mato

Grupo Político do PsdeG-PSOE:

- D. Roberto Díaz Luaces (voceiro)
- D. Iván Castro Díaz (voceiro suplente)
- D^a. Sara Arias López

O Pleno dase por enterado.

3º. ESTABLECEMENTO DA PERIODICIDADE DAS SESIÓNS PLENARIAS.

Procédese por parte do voceiro do grupo municipal do Partido Popular D. Adrián Fernández Juíz a dar lectura da seguinte proposta de Alcaldía:

Considerando o disposto no artigo 38 do Real Decreto Lexislativo 2568/1986, do 28 de novembro, de organización, funcionamento e réxime xurídico das entidades locais. De conformidade co disposto nos artigos 46.2 da Lei 7/1985, do 2 de abril; 210.2 a) da Lei 5/1997, do 22 de xullo, de Administración Local de Galicia e 78 do R.O.F.R.J.E.L, esta Alcaldía eleva ao Pleno a seguinte PROPOSTA:

Fixar a celebración das sesións ordinarias do Pleno da Corporación, o derradeiro xoves hábil dos meses de xaneiro, marzo, maio, xullo, setembro e novembro ás trece horas.

Paradela, 28 de xuño de 2019. O Alcalde José Manuel Mato Díaz.

Sen que se produza debate algún, a proposta resulta aprobada pola unanimidade dos oito Concelleiros que asisten á sesión (cinco do Grupo Municipal do Partido Popular e tres do Grupo Municipal Socialista) sendo nove o seu número legal de membros.

4º. CREACIÓN, COMPOSICIÓN E RÉXIME DA COMISIÓN ESPECIAL DE CONTAS.

Procédese por parte do voceiro do grupo municipal do Partido Popular D. Adrián Fernández Juíz a dar lectura da seguinte proposta de Alcaldía:

O artigo 20.1º.c) da Lei 7/1985, do 2 de abril, de Bases do Réxime Local, considera á Comisión Especial de Contas coma órgano necesario en todos os Municipios.

Dita Comisión estará integrada, segundo o artigo 116 da Lei 7/1985 e 66 da Lei 5/1997, do 2 de abril, por representantes de todos os grupos políticos existentes na Corporación.

O seu réxime axustarase ao establecido para as Comisións informativas nos artigos 123, 127 e 134 do Real Decreto 2568/1986, do 28 de novembro, de organización, funcionamento e réxime xurídico das entidades locais.

En canto a súa composición e estrutura, o artigo 66.2º da Lei 5/1997, do 22 de xullo, establece o criterio de proporcionalidade, e no derradeiro caso, o de voto ponderado.

Por elo, tendo en conta a composición da corporación resultante das eleccións municipais do 26 de maio de 2019, con grupos compostos por 6 membros no caso do

Grupo Municipal Popular e 3 membros no caso do Grupo Municipal Socialista; seguindo un criterio proporcional, por parte do Alcalde-Presidente preséntase a seguinte proposta:

PRIMEIRO.- Establecer a composición da Comisión Especial de Contas que estará integrada da seguinte forma:

Presidente: O Alcalde ou concelleiro en quen delegue.

Vogais: Un Concelleiro designado polo Grupo Municipal Popular.

- D^a María Montserrat Mulet Sar (titular)

- D. Benjamín López Mato (suplente).

Un Concelleiro do Grupo Municipal Socialista D. Iván Castro Díaz; tal e como consta no escrito presentado o 21 de xuño de 2019 (2019-E-RC508).

SEGUNDO.- A Comisión Especial de Contas celebrará sesións cando sexan sometidas ao seu coñecemento as contas anuais, no día e hora que estableza o Alcalde-Presidente.

Paradela, 28 de xuño de 2019. O Alcalde José Manuel Mato Díaz.

Sen que se produza debate algún, a proposta resulta aprobada pola unanimidade dos oito Concelleiros que asisten á sesión (cinco do Grupo Municipal do Partido Popular e tres do Grupo Municipal Socialista) sendo nove o seu número legal de membros.

5º. NOMEAMENTO DE REPRESENTANTES DA CORPORACIÓN EN ÓRGANOS COLEXIADOS.

Procédese por parte do voceiro do grupo municipal do Partido Popular D. Adrián Fernández Juíz a dar lectura da seguinte proposta de Alcaldía:

De conformidade co establecido no artigo 28.c) do Real Decreto 2568/1986, do 28 de novembro, de organización, funcionamento e réxime xurídico das entidades locais, elevo ao pleno a seguinte PROPOSTA:

Designar aos seguintes representantes do concello en órganos colexiados:

- Consorcio Galego de Servizos de Igualdade e Benestar, D. José Manuel Mato Díaz.

- Consorcio de Turismo Ribeira Sacra, D. José Manuel Mato Díaz.

- Mancomunidade de Municipios do Camiño Francés, D. José Manuel Mato Díaz.

- Asociación de Municipios del Camino de Santiago, D. José Manuel Mato Díaz.

- Asociación Miño-Ulla GDR 05, D. Adrián Fernández Juíz.

- Federación Nacional de Asociaciones y Municipios con Centrales Hidroeléctricas y Embalses (FEMEMBALSES), D. José Manuel Mato Díaz.

- Consello de Administración de PARAVENTO, S.L., D. José Manuel Mato Díaz.

- Consello Escolar C.E.I.P. San Miguel de Paradela, D. Jesús Pablo López González.

Paradela, 28 de xuño de 2019. O Alcalde José Manuel Mato Díaz.

Sen que se produza debate algún, a proposta resulta aprobada pola unanimidade dos oito Concelleiros que asisten á sesión (cinco do Grupo Municipal do Partido Popular e tres do Grupo Municipal Socialista) sendo nove o seu número legal de membros.

6º. CREACIÓN DA XUNTA DE GOBERNO LOCAL.

Procédese por parte do voceiro do grupo municipal do Partido Popular D. Adrián Fernández Juíz a dar lectura da seguinte proposta de Alcaldía:

De conformidade co establecido no artigo 20.1º.b) da Lei 7/1985, do 2 de abril, de Bases de Réxime Local: “A Xunta de Goberno Local existe en todos os municipios con poboación superior a 5.000 habitantes e nos de menos, cando así o dispoña o seu Regulamento orgánico ou o acorde o Pleno do concello.”

Tendo en conta a experiencia existente no Concello onde de forma tradicional existe dito órgano colexiado e a importante labor de asistencia e colaboración no goberno municipal que efectúa á Alcaldía, esta Presidencia eleva ó Pleno a seguinte PROPOSTA:

PRIMEIRO.- Constituir, como órgano colexiado integrante da organización municipal, a Xunta de Goberno Local.

SEGUNDO.- As sesión ordinarias celebraranse os xoves ás 9:00 horas, cada quince (15) días.

Paradela, 28 de xuño de 2019. O Alcalde José Manuel Mato Díaz.

Sen que se produza debate algún, a proposta resulta aprobada pola unanimidade dos oito Concelleiros que asisten á sesión (cinco do Grupo Municipal do Partido Popular e tres do Grupo Municipal Socialista) sendo nove o seu número legal de membros.

7º. DAR CONTA DAS RESOLUCIÓNS DE ALCALDÍA DE NOMEAMENTO DE TENENTES DE ALCALDE, EN MATERIA DE COMPOSICIÓN DA XUNTA DE GOBERNO LOCAL E DELEGACIÓNS DE COMPETENCIAS DO ALCALDE NA XUNTA DE GOBERNO LOCAL E NOS MEMBROS DE DITO ÓRGANO COLEXIADO.

Por parte do Sr. Alcalde dase conta das Resolucións de Alcaldía de 28 de xuño de 2019, co seguinte tenor literal:

De conformidade co disposto nos artigos 21.2 da Lei 7/1985, de 2 de abril, reguladora das bases do réxime local (LRBRL) e 46.1 do Regulamento de organización, funcionamento e réxime xurídico das entidades locais (ROF) de 28 de novembro de 1986

Decreto:

Primeiro.- Nomear coma Tenentes de Alcalde aos seguintes concelleiros:

- Primeiro Tenente de Alcalde: Adrián Fernández Juíz
- Segunda Tenente de Alcalde: María Montserrat Mulet Sar
- Terceira Tenente de Alcalde: Ana Belén López Álvarez

Corresponderá aos Tenentes de Alcalde, en canto tales, substituír na totalidade das súas funcións e pola orde do seu nomeamento, ao Alcalde, nos casos de ausencia, enfermidade ou impedimento que imposibilite a este para o exercicio das súas atribucións, así coma desenvolver as funcións do Alcalde nos supostos de vacante na Alcaldía ata a toma de posesión do novo Alcalde.

Segundo.- Efectuar ao abeiro do artigo 43.5.b) do Regulamento de organización, funcionamento e réxime xurídico das entidades locais de 28 de novembro de 1986, as

seguintes delegacións especiais:

- Don Adrián Fernández Juíz: *Delegado da Área de obras, infraestruturas, xuventude e deportes.*
- Dona Montserrat Mulet Sar: *Delegada de servizos sociais, sanidade e consumo.*
- Dona Ana Belén López Álvarez: *Delegada de Promoción de emprego, formación e cultura.*
- Don Jesús Pablo López González: *Delegado transformación e desenvolvemento agrogandeiro.*
- Benjamín López Mato: *Delegado desenrolo Medio Rural.*

Os concelleiros titulares de ditas delegacións, deberán dar conta á Xunta de Goberno Local das labores e actuacións desenvolvidas con motivo da mesma, aos efectos de garantir a unidade de goberno e xestión municipal e a súa debida coordinación co órgano colexiado titular das facultades decisorias nas áreas nas que se integran os servizos afectados.

De conformidade coas facultades que me son conferidas nos art. 23 da Lei 7/82 de 2 de abril, reguladora das bases de réxime local, art. 65 da Lei 5/97 de 22 de xullo, de administración local de Galicia e polo art. 52 do Real Decreto 2568/86 de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais

Decreto:

Primeiro.- *Que no caso de que polo Concello Pleno se acordase a creación da Xunta de Goberno deste Concello, que a mesma quede composta polas seguintes persoas:*

Presidente: o Alcalde José Manuel Mato Díaz

Membros: os tenentes de Alcalde

- *Adrián Fernández Juíz*
- *María Montserrat Mulet Sar*
- *Ana Belén López Álvarez*

Segundo.- *Da presente resolución darase coñecemento ao Pleno do Concello na primeira sesión que se celebre, notificándose persoalmente aos designados e publicarase no Boletín Oficial da Provincia.*

De conformidade coas facultades que me son conferidas nos art. 23 da Lei 7/82 de 2 de abril, reguladora das bases de réxime local e polo art. 52 do Real Decreto 2568/86 de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais

DECRETO:

Primeiro.- *Que no caso de que polo Concello Pleno se acordase a creación da Xunta de Goberno deste Concello, á mesma corresponderíalle as seguintes atribucións:*

- a) A asistencia permanente ao Alcalde no exercicio das súas atribucións.*
- b) As atribucións que lle delegue o Pleno do concello.*
- c) As seguintes funcións delegadas pola Alcaldía:*

- Aprobar os instrumentos de planeamento de desenvolvemento do planeamento xeral non expresamente atribuídos ao Pleno, así como os instrumentos de xestión urbanística e proxectos de urbanización.



Concello de Paradela

- *Informar e outorgar todo tipo de licencias, agás as que leis sectoriais atribúan ao Pleno. Concretamente e de conformidade co disposto na lei 9/2013 de emprendemento e competitividade económica de Galicia, délegase o outorgamento de licencias urbanísticas, así como as licencias de apertura e as suxeitas a avaliación de incidencia ambiental, ou autorización ambiental integrada. Delegáse tamén a toma de razón de declaración responsable ou comunicación previa nas licencias de obras e apertura de establecementos. Delégase tamén o outorgamento de licencias ou toma de razón de declaración responsable ou comunicación previa, en materia de espéctaculos e establecementos públicos, coa excepción da autorización de bailes e verbenas populares e similares. Delégase tamén as autorizacións para ocupación e uso especial dos bens de dominio público.*
- *As correspondentes en canto órgano de contratación, respecto a contratos de obras, subministro e servizos, xestión de servizos públicos, contratos administrativos especiais e os contratos privados, en contía superior a 6.000,00 € e dentro dos límites establecidos da competencia da Alcaldía, na disposición adicional segunda da Lei 9/2017 de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou sexa, cando o seu importe non supere o 10% dos recursos ordinarios do presuposto, nin en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos, incluídas eventuais prórrogas sempre que o importe acumulado de todas as anualidades non supere nin o porcentaxe indicado, referido aos recursos ordinarios do orzamento do primeiro exercicio, nin á coantía sinalada. Delégase tamén a aprobación dos proxectos de obras ou servizos, cando sexa competente para a súa contratación. A aprobación das certificacións de obra e facturas, así como dos documentos que verifiquen a recepción do subministro ou, no seu caso a confirmación da prestación do servizo, derivadas, todas elas, dos expedientes citados nos apartados anteriores.*
- *A adxudicación de concesións sobre os bens das entidades locais e a adquisición de bens inmoables e dereitos, suxeitos á lexislación patrimonial, así como a enaxenación do patrimonio, dentro dos límites establecidos da competencia da Alcaldía, na disposición adicional segunda Lei 9/2017 de 8 de novembro, de contratos do sector publico.*
- *En materia de gastos, délegase a autorización e disposición de gastos, para pagos por importe superior aos 6.000,00 €, así como a aprobación dos mesmos. Delégase tamén o recoñecemento e liquidación de obrigas nos supostos nos que a autorización dos gastos corresponda á Xunta de Goberno. Exceptúanse:*
 - *Haberes e retribucións do persoal do concello, así como os gastos derivados das cotizacións á Seguridade Social ou a Facenda Pública*
 - *Asistencias, gastos de locomoción de dietas dos cargos electos.*
 - *Os servizos de enerxía eléctrica, telefónica e similares, que se liquiden con arranxo a tarefas oficialmente aprobadas.*
 - *Os importes de intereses e amortización de préstamos.*
- *O outorgamento de subvencións.*
- *A solicitude de subvencións de calquera Entidade Pública ou Privada, na que a competencia non esté atribuída pola Lei ao Pleno.*



- A solicitude de delegación de competencias para contratar obras ou servizos de competencia da Alcaldía efectuadas a outras Administracións Públicas.

- En materia de ingresos, delégase a aprobación de padróns, matrículas e listas cobratorias de impostos municipais, taxas e prezos públicos, así como a aprobación da liquidación de ingresos derivados de licencias ou autorizacións delegadas na Xunta de Goberno Local.

d) Tódalas competencias que a normativa estatal ou da Comunidade Autónoma asigne ao Concello e non se atribúan expresamente a outros órganos municipais.

Segundo.- Da presente resolución darase coñecemento ao Pleno do Concello na primeira sesión que se celebre, notificándose persoalmente aos membros da Xunta de Goberno (designados por Resolución de 28 de xuño do actual) e publicarase no Boletín Oficial da Provincia.

O pleno dase por enterado.

8º. DELEGACIÓN DE COMPETENCIAS DO PLENO NA XUNTA DE GOBERNO LOCAL.

Procédese por parte do voceiro do grupo municipal do Partido Popular D. Adrián Fernández Juíz a dar lectura da seguinte proposta de Alcaldía:

Visto o disposto no artigo 20.1.b) da Lei 7/85, artigo 35 e concordantes do Regulamento de Organización, Funcionamento e Réxime Xurídico das Entidades Locais, así como o artigo 59.2 b) da Lei 5/97, de 22 de xullo de administración local de Galicia.

Visto o artigo 22.4 da Lei 7/85 de 2 de abril, reguladora das bases de réxime local, segundo o cal o Pleno pode delegar o exercicio das súas atribucións na Xunta de Goberno, coas excepción sinaladas no mesmo artigo, así como o artigo 51 do R.O.F. e Réxime Xurídico das Entidades Locais, propoño ao Pleno do Concello a adopción do seguinte acordo:

Primeiro.- A creación da Xunta de Goberno Local, que baixo a Presidencia do Alcalde, estaría integrada por tres membros corporativos.

Segundo.- Delegar na Xunta de Goberno Local, por razón de eficacia e operatividade, as seguintes competencias, dentro das que legalmente son delegables, e que ten atribuídas o Pleno no artigo 22 da Lei 7/85, de Bases do Réxime Local:

a) En materia contractual

- As competencias como órgano de contratación; a aprobación dos pregos de Cláusulas Administrativas Particulares e no seu caso, de Prescripcions Técnicas, respecto dos contratos de obras, de subministración, de servizos, de xestión de servizos públicos, os contratos administrativos especiais, e os contratos privados que de conformidade coa Disposición Adicional Segunda da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, que sexan competencia do Pleno Municipal; excepto os contratos de xestión de servizos públicos que excedan de cinco anos, sempre que a súa contía exceda do 20 por 100 dos recursos ordinarios do Orzamento, xa que de conformidade co art. 47.2 j) da Lei reguladora das Bases do Réxime Local, a adopción do

correspondente acordo esixe un quórum especial.

- A aprobación dos proxectos de obras e servizos cando sexa competente para a súa contratación ou concesión o Pleno, aínda cando non estean previstas no Orzamento.
- O nomeamento dos membros das Mesas de contratación nos expedientes de contratacións e concesións.
- A aprobación das certificacións de obras e facturas, así como os documentos que verifiquen a recepción do subministro ou, no seu caso, a confirmación de prestación do servizo, derivadas, todas elas, dos expedientes de contratación e concesión.

b) En materia de bens

- A adquisición de bens inmoables e dereitos xuxetos a lexislación patrimonial cando o seu valor supere o 10 por 100 dos recursos ordinarios do orzamento e, en todo caso, cando o seu importe sexa superior a tres millóns de euros.
- A enaxenación de bens inmoables, integrantes do patrimonio municipal, que superen a porcentaxe e contía indicados anteriormente.
- As enaxenacións patrimoniais de bens inmoables e mobles declarados de valor histórico artístico, non previstos no Orzamento.

Exceptúanse dos apartados 2 e 3 anteriores as enaxenacións de bens que teñan contía superior ao 20% dos recursos ordinarios do Orzamento, suposto no que se require maioría absoluta do número legal de membros da Corporación para a adopción do acordo.

c) En materia xurídica

- O exercicio de accións xudiciais e administrativas e a defensa da Corporación en materias de competencia plenaria.
- A declaración de lesividade dos actos do Concello.

d) Noutras materias

- As demais que expresamente lle confiran as leis e do que a aprobación non esixa unha maioría especial.

Terceiro.- A delegación de competencias surtirá efectos dende o día seguinte da súa adopción, ata a data de expiración do mandato dos membros do Concello, debendo publicarse o acordo de delegación no Boletín Oficial da Provincia.

Paradela, 28 de xuño de 2019. O Alcalde José Manuel Mato Díaz.

Sen que se produza debate algún, a proposta resulta aprobada pola unanimidade dos oito Concelleiros que asisten á sesión (cinco do Grupo Municipal do Partido Popular e tres do Grupo Municipal Socialista) sendo nove o seu número legal de membros.

9º. APROBACIÓN DE ADICACIÓN EXCLUSIVA; RETRIBUCIÓN, ASISTENCIAS POLA CONCURRENCIA ÁS SESIÓNS DOS ÓRGANOS COLEXIADOS DA CORPORACIÓN E INDEMNIZACIÓNS POLOS GASTOS EFECTIVOS OCASIONADOS NO EXERCICIO DO CARGO.

Procédese por parte do voceiro do grupo municipal do Partido Popular D. Adrián Fernández Juárez a dar lectura da seguinte proposta de Alcaldía:

En aplicación do establecido no artigo 75.1, 2 e 5 da Lei 7/1985, do 2 de abril, de bases do réxime local e 13 do Regulamento de organización, funcionamento e réxime xurídico das entidades locais aprobado por Real Decreto 2568/1986, do 28 de

novembro, esta Alcaldía-Presidencia eleva ao Pleno a seguinte PROPOSTA:

Primeiro.- Establecer coma cargo que levará aparelada réxime de adicación o seguinte:

1º Tenente de Alcalde, adicación exclusiva, 100% da xornada, concelleiro delegado de obras, infraesturas, xuventude e deporte.

Segundo.- Fixar coma retribucións do indicado cargo as seguintes:

- 21.226,12 euros brutos anuais distribuídos en 14 pagas iguais (12 mensuais e dúas extraordinarias a percibir nos meses de xuño e decembro) para a dedicación exclusiva do cargo de 1º Tenente de Alcalde.

- A persoa que obste o cargo citado, será dada de alta no Réxime Xeral da Seguridade Social, asumindo o Concello a cota empresarial que corresponda.

Terceiro.- Fixar o importe das asistencias pola concurrencia efectiva ás sesións dos órganos colexiados da corporación dos que se forme parte:

- Cento vinte euros (120,00 euros) por asistencia a sesión plenaria.

- Cen euros (100,00 euros) por asistencia a Xunta de Goberno Local.

- Cen euros (100,00 euros) por asistencia á Comisión Especial de Contas.

Non obstante en todos aqueles casos en que se celebren durante unha mesma mañá ou tarde sesión do Pleno e calquera outro dos supostos anteriormente relacionados e que dan dereito a percibir a dieta correspondente, os membros asistentes percibirán en todo caso unha soa dieta por importe de 120,00 euros.

Cuarto.- Fixar o importe das indemnizacións por gastos ocasionados polo exercicio de cargo representativo:

- Por uso de vehículo particular, 0,24 euros/km.

- Dieta enteira con aloxamento, 250,00 euros/día.

- Dieta enteira con manutención incluída, 150,00 euros/día.

- Media dieta con manutención incluída, 90,00 euros/día.

Paradela, 1 de xullo de 2019. O Alcalde José Manuel Mato Díaz.

Toma a palabra o voceiro do Grupo Municipal do Partido Socialista D. Roberto Díaz Luaces realizando a seguinte proposta:

O importe das asistencias pola concurrencia efectiva ás sesións dos órganos colexiados da corporación dos que se forme parte:

- Cento euros (100,00 euros) por asistencia a sesión plenaria.

- Sesenta euros (60,00 euros) por asistencia a Xunta de Goberno Local.

- Sesenta euros (60,00 euros) por asistencia á Comisión Especial de Contas.

Naqueles casos en que se celebren durante unha mesma mañá ou tarde sesión do Pleno e calquera outro dos supostos anteriormente relacionados e que dan dereito a percibir a dieta correspondente, os membros asistentes percibirán en todo caso unha soa dieta por importe de 100,00 euros.

O importe das indemnizacións por gastos ocasionados polo exercicio de cargo representativo:

- Por uso de vehículo particular, 0,24 euros/km.

- Dieta enteira con aloxamento, 180,00 euros/día.

- Dieta enteira con manutención incluída, 90,00 euros/día.

- Media dieta con manutención incluída, 60,00 euros/día.

O Sr. Alcalde di que a proposta realizada polo seu grupo están actualizadas á realidade, xa que levan dende o ano 2002 sen modificarse e respecto da dieta enteira só se dá no caso da reunión da Federación de Embalses en Madrid.

A continuación procédese a votar a proposta de Alcaldía, que resulta aprobada por maioría absoluta cos cinco votos a favor dos membros do Grupo Municipal do Partido Popular e o voto en contra dos tres membros do Grupo Municipal Socialista, sendo nove o seu número legal de membros.

10º. DOTACIÓNS ECONÓMICAS A GRUPOS POLÍTICOS.

Procédese por parte do voceiro do grupo municipal do Partido Popular D. Adrián Fernández Juíz a dar lectura da seguinte proposta de Alcaldía:

No art. 73 da Lei 7/85 de 2 de abril, reguladora das bases de réxime local, dispónse que o Pleno da Corporación, con cargo aos presupostos anuais da mesma, poderá asignar aos grupos políticos unha dotación económica, que deberá contar cun compoñente fixo e outro variable, en función do número de membros de cada un deles, dentro dos límites que, no seu caso, establezan as Leis de Presupostos Xerais do Estado, sen que poidan destinarse ao pago de remuneracións de persoal de calquera tipo ao servizo da corporación, nin á adquisición de bens que poidan constituír activos fixos de carácter patrimonial

Á vista do disposto no artigo de referencia, propónse ao Pleno a adopción do seguinte acordo:

Primeiro.- A dotación ós Grupos Políticos, será en función das seguintes coantías:

- Unha cantidade fixa de 50,00 € mensuais por Grupo.

- Unha cantidade variable, en función do número de concelleiros, de 75,00 € mensuais por cada concelleiro.

Segundo.- Os pagos aos Grupos faranse con carácter trimestral, con efectos dende a constitución dos grupos políticos na actual lexislatura, xa que de conformidade co disposto na vixente lexislación, poderá outorgarse eficacia retroactiva aos actos das administracións públicas, cando produzan efectos favorables ao interesado, sempre que os supostos de feitos existiran xa na data á que se retrotraiga a eficacia do acto e ésta non lesione dereitos ou intereses lexítimos doutras persoas.

Terceiro.- O importe da dotación establecida non poderá destinarse ao pago de remuneracións de persoal de calquera tipo ao servizo da Corporación, ou a adquisición de bens que poidan constituír activos fixos de carácter patrimonial, xa que a súa finalidade e a atención aos gastos de funcionamento do grupo municipal e limitativa en canto a determinados usos, prohibidos pola lei.

Cuarto.- Os grupos políticos municipais son entidades diferenciadas dos partidos políticos e deberán de dispor de CIF.

Cinco.- Os Grupos deberán levar unha contabilidade específica da dotación establecida, que deberá respectar os principios xerais establecidos na lexislación vixente ao respecto, así como en materia de rendición de contas, que permitan en todo momento coñecer a súa situación financeira e patrimonial e o cumprimento das obrigas previstas na lei. A mesma poñerase a disposición do Pleno do Concello, sempre que éste o solicite, así como á fiscalización do órgano interventor, debendo aportar a



Concello de Paradela

correspondente memoria, documentación contable e xustificantes, que permitan verificar que os fondos se aplican ás finalidades previstas na normativa. No caso de non ser xustificadas axeitadamente, deberán ser obxecto de reintegro á favor da entidade local.

Sexto.- As aportacións aos grupos políticos das entidades locais, atopáanse suxeitas ao principio de publicidade activa e ao dereito de acceso á información dos cidadáns, de conformidade co disposto na lexislación vixente, sobre transparencia, acceso a información pública e bo goberno.

Paradela, 28 de xuño de 2019. O Alcalde José Manuel Mato Díaz.

Toma a palabra o voceiro do Grupo Municipal do Partido Socialista D. Roberto Díaz Luaces dicindo que se ben está de acordo co seu establecemento estiman que as contías son elevadas, polo que propoñen unha cantidade fixa de 25,00 € mensuais por Grupo e unha cantidade variable, de 35,00 € mensuais por cada concelleiro.

O Sr. Alcalde di que o seu grupo en base a situación actual do Concello e a baixa de gastos no capítulo 1 ao haber menos gasto polas adicacións, consideran que as contías son axeitadas e están acorde coas que se establecen no 90 % dos concellos.

A continuación procédese a votar a proposta de Alcaldía, que resulta aprobada por maioría absoluta cos cinco votos a favor dos membros do Grupo Municipal do Partido Popular e a abstención dos tres membros do Grupo Municipal Socialista, sendo nove o seu número legal de membros.

O Sr. Alcalde antes de levantar a sesión di que a petición de local realizada polo Grupo Municipal Socialista, se estudiará a posibilidade de concederlle un local.

D. Iván Castro Díaz, Concelleiro do Grupo Municipal Socialista di que é consciente que na Casa do Concello é imposible, pero por exemplo podería ser na Casa do Médico.

O Sr. Alcalde di que a planta baixa da Casa do Médico está ocupada e na pranta alta hai que velo, de todos os xeitos cando o soliciten senón está ocupado por outra actividade está a súa enteira disposición o salón de Plenos.

E non habendo máis asuntos que tratar, o Presidente levantou a sesión sendo as trece horas e trinta e cinco minutos do catro de xullo de dous mil dezanove, exténdose a presente acta da que coma Secretario-Interventor dou fe.

Visto e praxe

O Alcalde

O Secretario-Interventor